



10411

九

世史正綱卷十七

○唐世史

高宗皇帝

諱治 太子子

庚戌

唐高宗皇帝永徽元年

立妃王氏為皇后

以張行成為侍中

詔日引刺史入閣問民疾苦

夏四月朔晉州地震

六月晉州地又震

詔衛山公主侯三年喪畢成昏

高祖擊突厥車鼻可汗擒之

癸唐永徽二年

以黃門侍郎宇文節中書侍郎柳奭同三品

以于志寧張行成為僕射同三品高季輔為

侍中

冬十月晉州地震

壬子

唐永徽三年

梁建方大破處月朱邪於牢山

朱邪之名始見此

以褚遂良為吏部尚書同三品

已集



帝御安福門樓觀百戲

以宇文節為侍中柳奭為中書令韓瑗為黃門侍郎同三品

立子忠為皇太子

以中書侍郎來濟同三品

癸丑 癸未 永徽四年

房遺愛及高陽公主謀反伏誅遂殺吳王恪流江夏王道宗

罷梁公房玄齡配饗

以李勣為司空

秋八月隕石于馮翊有聲如雷

以褚遂良為右僕射

甲寅 甲寅 永徽五年

以大宗才人武氏為昭儀

夏閏四月帝在萬年宮夜大水漂溺三十餘人

恒州大水

武昭儀自殺其女誣皇后

帝及武昭儀幸長孫無忌第賜無忌金繒十車以其庶子三人為朝散大夫

卯乙唐永徽六年

遣將擊高麗

以韓瑗為侍中來濟為中書令

壁州司馬李義府表請立武氏為后特以為

中書侍郎

始置員外同正官

員外之名始此

以許敬宗為禮部尚書

帝欲立武氏褚遂良韓瑗來濟爭之貶遂良

潭州都督

李勣許敬宗勸立武氏

廢皇后王氏為庶人立武才人為皇后

帝命百官四夷朝后于肅義門

后初立百官朝始此

命內外命婦入謁

後世命婦朝后亦自此始

以李義府參知政事

武氏弑故后王氏

丙辰唐顯慶元年

春正月改元

自漢武帝建元以來一主徃徃有數改元者至唐高祖之武德太宗之貞觀一號紀年用以終世高宗輕變父祖之成憲其後乃至一年一元甚有改稱僅一二月而遽止者

廢皇太子忠

立武后子弘為皇太子

贈武后父士彥司徒賜爵周國公

免山東丁役

詔以高祖配昊天于園丘太宗配五帝于明

堂

丁曆顯慶二年

以李義府兼中書令

禁舅姑拜公主父母拜王妃

許敬宗誣韓瑗來濟與褚遂良為亂貶瑗等

遠州刺史

以許敬宗為侍中杜正倫為中書令

以洛陽為東都

禁僧尼受父母及尊者拜

戊曆顯慶三年

頒新禮

以許敬宗為中書令辛茂將為侍中

愛州刺史褚遂良卒

和
顯慶四年

以于志寧同三品許圜師參知政事

許敬宗誣太尉趙公長孫無忌謀反詔削其

官封黔州安置

改氏族志為姓氏錄

以許圜師為侍中

殺長孫無忌柳奭韓瑗籍沒其家

貶于志寧為榮州刺史

庚
顯慶五年

遣將擊契丹

夏六月朔日有食之

遣蘇定方擊百濟降之

初令皇后決百司奏事

遣三大總管擊高麗

醉
顯慶六年二月以後龍朔元年

復遣行軍六總管率三十五軍擊高麗

帝及后幸李勣許圜師第

夏四月晦日有食之

以西域諸國為州府

壬戌唐龍朔二年

改侍中為左相中書令為右相

鐵勒入寇鄭仁泰敗之

以許圜師為左相

以許敬宗上官儀同三品

西突厥寇庭州刺史來濟死之

癸亥唐龍朔三年

以李義府為右相既而以罪除名流嶺州

吐蕃併吐谷渾

文蔚卷十七

六

吐谷渾自晉永嘉有國至是吐蕃取之凡

三百五十年

秋八月彗星出于左攝提

孫仁師攻百濟拔之

遣使按察十道

甲子唐麟德元年

以皇子殷王旭輪遙領單于大都護

以劉祥道竇德玄為左右相

帝與宦者王伏勝同三品上官儀謀廢武氏

不果武氏使許敬宗誣儀伏勝與廢太子忠謀逆殺儀及伏勝賜忠死

帝與武氏同聽政

以樂彥璋孫處約同三品

元唐麟德二年

以姜恪同三品

春閏三月朔日有食之

以陸敦信為右相

帝東巡

幸壽張民張公藝家

大有年

丙寅唐乾封元年

春正月封泰山禪社首

車駕還過曲阜祠孔子贈以太師至亳州尊

老聃為太上玄元皇帝

李義府死

夏四月帝還京師

以李勣為遼東行臺大總管擊高麗

以劉仁軌為右相

武氏以舊憾殺其兄子惟良懷運

卯唐乾封二年

以楊弘武戴至德李安期張文瓘趙仁本並
同三品

秋八月朔日有食之

辰唐乾封三年三月以後總章元年

春二月皇太子釋奠于國學

夏四月彗星見于五車

李勣拔平壤高麗王歲降

分高麗地為州縣立安東都護府

以姜恪閻立本為左右相

京師山東江淮旱饑

史綱卷十七

八

巳唐總章二年

以李敬玄郝處俊同三品

始以同三品入銜

徙高麗人於江淮山南京西諸州

夏六月朔日有食之

秋九月大風海溢

李勣死

定銓注法以身言書判取人

以言書判取人可也以身取人而求其體

貌豐偉焉如是則體若不勝衣之趙文子
容貌若婦人女子之張良不在所取矣烏
在其為良法哉

庚唐總章三年三月以後咸亨元年

春二月東南有聲如雷

夏六月朔日有食之

薛仁貴擊吐蕃敗績

關中旱饑

武后以旱請避位

加贈后父武士護為太原王

遣姜恪擊吐蕃

詔官名復舊

辛唐咸亨二年

冬十一月朔日有食之

壬唐咸亨三年

吐蕃遣使入貢

許敬宗死

冬十一月朔日有食之

以劉仁軌同三品

癸唐咸亨四年

詔劉仁軌改脩國史

甲 咸亨五年八月以後上元元年

遣劉仁軌擊新羅

春三月朔日有食之

封武氏兄子承嗣為周國公

帝稱天皇后稱天后

復長孫無忌信爵

武后始請父在為母服齊衰三年

後世為母服三年始此是時雖請也而未

行至垂拱中始行焉遂為不易之制

乙 曆 上元二年

帝議使武后攝政以郝處俊諫止

武氏殺太子弘諡以孝敬皇帝

范祖禹曰皇帝者有天下之號非所以為

贈也父没而後子立今父在而追尊其子

豈禮也哉蓋武后謀篡國醜太子而加之

尊名以掩其迹李泌之言信矣

立子賢為皇太子

以戴至德劉仁軌為左右僕射張文瓘為侍

中郝處俊為中書令李敬玄同三品

冬十月彗星出于角亢

預唐上元三年十一月以後儀鳳元年

以來恒薛元超李義琰高智周同三品
始遣使如遠方注擬

吐蕃入寇

秋七月彗星出于東井

以狄仁傑為侍御史

冬十月袷饗太廟

以李敬玄為中書令

丑唐儀鳳二年

以高藏為朝鮮王扶餘隆為帶方王遣歸故

地安輯餘衆

戊唐儀鳳三年

春正月百官四夷朝武氏於光順門

元旦百官朝后始見此

卯唐儀鳳四年六月以後調露元年

以郝處俊為侍中

命皇太子監國

遣裴行儉擊西突厥執其可汗都支

庚唐調露二年八月以後永隆元年

遣裴行儉擊突厥平之

以裴炎崔知溫王德真同三品

吐蕃寇河源將軍黑齒常之擊却之

秋八月武氏廢皇太子賢為庶人立子哲為皇太子

冬十一月朔日有食之

辟唐永隆二年九月以後開耀元年

春正月宴百官及命婦于麟德殿

太平公主適薛紹

以裴炎為侍中崔知溫薛元超為中書令

綱卷十七

十二

秋八月河南河北大水

九月彗星出于天市

裴行儉擊突厥阿史那伏念降之

冬十月朔日有食之

壬唐開耀二年二月以後永淳元年

立孫重照為皇太孫

自古未有太子在而立太孫者有之始見

于此

夏四月朔日有食之

關中饑帝如東都

王方翼平西突厥

以郭待舉岑長倩郭正一魏玄同並中書門
下同承受進止平章事

夏五月洛水溢關中旱蝗

監察御史衷行李善感諫營宮室

以劉景先同平章事

癸唐永淳二年十二月弘道元年

春三月彗星出于五車

以郭待舉郭正一同平章事

詔皇太子監國以裴炎劉景先郭正一兼東

宮平章事

東宮有平章僅見于此

冬十二月丁巳帝崩于貞觀殿在位三十四

皇太子哲卽位後更名顯

尊天后為皇太后臨朝稱制

以劉仁執為左僕射裴炎為中書令劉景先

為侍中同門下三品

中宗皇帝諱顯高宗子

甲申唐中宗皇帝嗣聖元年二月以後睿宗文明元年九月武氏光宅

年元

立妃韋氏爲皇后

以韋弘敏同三品

春二月戊午武氏廢帝爲廬陵王

己未立豫王旦爲皇帝以其妃劉氏爲皇后

子成器爲太子廢太孫重照爲庶人改元文

明

武氏始御紫宸殿視事

武氏殺其子故太子賢

武氏遷帝顯于房州又遷于均州

書帝顯者以別豫王旦也

通鑑卷七

十四

武氏以兄子武承嗣同三品

秋七月彗星出于西方

温州括州大水

秋八月葬高宗于乾陵

秋九月武氏紀元光宅以東都爲神都尚書

省爲文昌臺僕射爲左右相門下省爲鸞臺

中書省爲鳳閣侍中爲納言中書令爲內史

此武氏革命之漸

改御史臺爲肅政臺

許諫官御史風聞言事

後世臺諫風聞言事始此嗚呼此豈治世
盛德之事哉夫泛論事情風聞可也若乃
訐人陰私不究其實而輒加以惡聲是豈
忠厚誠實之道哉胡寅有言朝廷者衆正
之原是非所仰以決譖愬所望以明毀譽
所待以公人心服與不服一在是焉彼風
聞者得於道聽途說或兩怒溢言豈皆真
實遽然按之以施刑罰其差失多矣言者
既以風聞初不審諦被言者又泯默受罪
不得申理而冤結無告傷平明之政亦甚
矣噫後世有道之主公怒之士其尚以胡
氏斯言為鑒毋蹈武氏之失而輕易中傷
善類也哉

武氏立武氏七廟

英公李敬業起兵討武氏移檄州縣

武氏殺侍中裴炎

李孝逸用魏元忠計敗敬業殺之

武氏殺安撫大使程務璉

乙酉

唐

武氏垂拱元年

春正月帝顯居均州

武氏紀元垂拱

按唐史臣沈既濟謂魯昭公之出春秋書其君曰公在乾侯君雖失位不敢廢也每歲之首必書中宗所居紀稱中宗而事述武后范祖禹作唐鑑非唐書列武后于本紀故繫嗣聖之年黜武后之號綱日本此二說於每歲甲子下大書嗣聖之年分註武氏年號於其下終武后世每歲書帝所在而武氏行事則以太后書之可謂萬世之高見矣說者謂天無二日民無二王一國不容有兩號武氏既革唐爲周有周則無唐無唐則無帝矣同一疆域也同一時世也而帝與周同書豈得無窒礙乎且是時武后既廢中宗立睿宗睿宗雖擁虛器武后未嘗明廢之也書帝在某處而不著其名則混而無辯矣况魯昭公乃列國之君是時未有年號昭公雖次于外季氏專國猶虛其位以待之不敢別有所立也中宗即位僅一月即立豫王爲皇帝改元文明矣曾未幾時武氏自御正朝行人君事

至于九月又改元光宅焉明年又有垂拱之紀則是中宗既廢之後別立君矣屢改元矣所謂嗣聖之號僅有再閱月之稱若仍以其年次第書之則是假辭以立義非紀實也史綱於圈中書唐字而於其下分書武氏之年以見是時天下雖專制於武氏而實唐之天下雖曰唐之天下而所以專制之者實武氏也及乎每年帝在之書必著其名而使人不疑中宗於睿宗如此則義得其正事不沒其實賊后之罪既得以暴著於天下君臣之義又得以昭明於後世云

武氏以其兄子承嗣同三品

三月遷帝顯于房州

武后制官民皆得自舉

毀乾元殿為明堂

武氏以所嬖僧懷義為白馬寺主入宮營造

補闕王求禮請官之不報

丙戌

唐

武氏垂拱二年

春正月帝顯居房州

武氏歸政于帝旦尋復稱制

二月朔日有食之

武氏大開告密無實者不問置銅甌受之以告密人索元禮為游擊將軍令按制獄

武氏用酷吏周興為秋官侍郎來俊臣為御史中丞

有山出于新豐

狄仁傑為冬官侍郎

丁亥唐武氏垂拱三年

春正月帝顯居房州

皇朝卷十七

十八

冀州雌鷄變雄

魏州人楊初成矯制募人迎帝顯于房州武氏殺之

武氏流李孝逸于儋州

罷御史監軍

戊子唐武氏垂拱四年

春正月帝顯居房州

武氏殺太子舍人郝象賢

武氏自加號聖母神皇

夏六月朔日有食之

琅邪王冲越王貞舉兵匡復不克而死武氏
遂大殺唐宗室

武氏萬象神宮成又作天堂以僧懷義為威
衛大將軍封梁國公

丑唐武氏永昌元年

春正月帝顯居房州

武氏服袞冕饗萬象神宮

大赦改元

朗州雌鷄變雄

武氏追尊其父母為太皇太后

武氏以其兄子承嗣為納言

武氏追宗室汝南王煒等十二人

武氏殺天官侍郎鄭玄挺內史張光輔同平

章事魏玄同大將軍黑齒常之等十餘人

又殺唐宗室鄭王璿等六人

武氏以僧懷義為新平道大總管擊突厥

松州雌鷄變雄

武氏改十一月為正月十二月為臘月正月

為一月

武氏白製罍字以為名改詔曰制

武氏除唐宗室屬籍

庚寅 武氏除唐宗室屬籍 元年九月以後天授元年

春正月帝顯居房州

壘以是月為一月

壘以武承嗣為左相武攸寧為納言

壘殺同三品王本立同平章事韋方質范履

冰尚書右丞張行廉納言裴居道

誅李孝逸

始試士於洛城殿

此後世進士殿試之始按漢策問賢良非

試之也後世出題試士於殿廷始見于此

遂因之以為定制

壘以告密人侯思止王弘義為侍御史

僧法明偽作大雲經言壘乃彌勒下生當代

唐頒示天下

壘殺宗室澤王上金許王素節及南安王潁

等十二人又自殺其孫二人

秋九月武壘改國號周自為皇帝以唐帝旦

為皇嗣改其姓武

嗚呼此開闢以來未有之大變也太極動

而生陽靜而生陰天陽而地陰也日陽而
月陰也男陽而女陰也乾道成男坤道成
女男正位乎外女正位乎內君道象日后
道象月此天地之常人倫之正自有天地
以來未之有改焉者武壘一旦以陰柔之
資當陽剛之位則地升而為天也月易而
為日也女變而為男也反陰陽之常變剛
柔之質易內外之位程子所謂非常之變
不可言者此也嗚呼言且不可况見之乎
當是之時武壘以女而統男而一時公卿
將相群臣庶僚莫不以男而奉女耽其養
養之恩畏其誅戮之慘忘其身之為男子
也嗚呼人亦不幸而生於斯時哉或曰此
非但起於武氏也前此呂雉蓋嘗為之矣
雖然呂氏於是時猶依所名惠帝之子以
臨朝稱制漢之為漢固自若也武壘則革
唐之命滅夫之族被天子之袞冕稱天子
之名號巍然居殿陛之間偃然行人君之
事以受群臣之朝以為萬邦之主忘其身
之為女也而天下臣民亦翕然視之以男

焉嗚呼此豈但人世之理悖哉亦天地之
氣亂也若夫以睿宗為皇嗣賜姓為武元
為悖逆夫媚優之子則從母之姓睿宗於
此不父其父而父其母禮所謂禽獸知有
其母而不知有其父者也雖然睿宗蓋亦
不幸而生為武墨之子也歟然則舊書睿
宗皆作豫王且不予武氏之立也史綱前
此之書亦然而此又以為唐帝且者蓋以
見豫王前此固為唐之帝矣至是又為墨
之嗣焉吁前也承父則姓父之姓以為唐
之君後也承母則姓母之姓以為周之嗣
嗚呼人之生也合父母而有此身承祖宗
而此姓睿宗一身前後分而異屬豈復
有人理哉書之于冊以紀世道之大變

大赦改元天授

武氏凡改元必大赦

徐有功為侍御史

墨易服色改置唐社稷宗廟

唐

周武墨天授二年

春正月唐帝居房州

此不書帝顯之名何武氏已以旦為皇嗣
無所疑也上加以唐别于周也

流酷吏周興于嶺南為仇家所殺

夏四月朔日有食之

酷吏來俊臣殺將軍張虔勗

改唐故太子賢子光順等姓為武幽之宮中

狄仁傑同平章事

同平章事格輔元右相岑長倩等以不肯立

武承嗣為太子被殺

墨殺右將軍李安靜

壬辰唐周武墨天授三年四月以後如意元年九月以後長壽元年

春正月唐帝居房州

墨引見存撫使所舉者各試以官

後世試官自此始

御史劾舉人沈全交續謠言誹謗不問

來俊臣誣殺大將軍泉獻誠

夏四月朔日有食之

來俊臣誣同平章事任知古狄仁傑等七人

謀反既而得白皆貶為縣令

萬年縣主簿徐堅上書請簡擇法官

李昭德言左相武承嗣權重罷之以昭德同平章事

流平章事李游道等于嶺南

御史嚴善思按制獄囚得引虛伏罪者八百餘人為酷吏所搆流驩州尋召還

壘以補闕朱敬則侍御史周矩言稍寬制獄更以九月為社

以并州為北都

壘殺其子婦劉氏

壘從姚璿請命宰相撰時政記月送史館

癸巳唐周武壘長壽二年

又補卷十七

三四

春正月唐帝居房州

婁師德同平章事

尚方監裴匪躬謁皇嗣壘殺之

酷吏誣皇嗣有異謀太常工人安金藏剖心明之得停推

李昭德按誅侯思止

萬國俊殺諸道流人擢為侍御史尋亦貶死秋九月朔日有食之

壘自號金輪聖神皇帝

甲午唐周武塋長壽三年五月以後延載元年

春正月唐帝居房州

塋以僧懷義為朔方道大總管擊默啜

塋加越古之號尋又加慈氏

塋鑄天樞

秋九月朔日有食之

貶來俊臣

懷義燒明堂塋諱不問更命懷義造之

乙未唐年周武塋證聖元年九月以後天冊萬歲元

春正月唐帝居房州

九卷十七

二十五

二月朔日有食之

萬象神宮火

塋陰使人殺其所嬖僧懷義

塋建大周萬國頌德天樞

塋自號天冊金輪大聖皇帝

塋封嵩山禪少室

塋從孫安平王武攸緒棄官隱嵩山

突厥請降

丙申唐年周武塋萬歲登封元年三月以後萬歲通

春正月唐帝居房州

三月作通天宮

吐蕃遣使請和

姚元崇為夏官侍郎

徐有功用法平怒起為殿中侍御史

武懿宗誣刺史劉思禮謀反滅同平章事李

元素等三十六家流其親屬千餘人

嬰以嬖倖張昌宗為散騎常侍張易之為司

衛少卿

婁師德同平章事

丁酉

唐周武嬰萬歲通天二年九月以後神功元

春正月唐帝居房州

嬰鑄九鼎成

武承嗣滅郎中喬知之家

遣武懿宗等擊契丹

酷吏來俊臣伏誅李昭德亦被殺

嬰以武承嗣武三思同三品

遣武懿宗等安撫河北

起魏元忠為肅政中丞

狄仁傑同平章事

置員外官數千人

戊戌
唐 周武璽聖曆元年

春三月武氏用狄仁傑言召唐帝顯還東都
狄仁傑兼納言

突厥陷趙州刺史高徽死之

皇嗣旦請遜位於其兄武氏許之復以帝顯
為皇太子改姓以武

武氏命帝顯為河北道元帥討默啜狄仁傑
知元帥事代其行

武承嗣死

以狄仁傑為河北道安撫大使

姚元崇同平章事

璽封皇嗣旦為相王

璽置控鶴監

閻知微降突厥伏誅

妃 唐 周武璽聖曆二年

春正月帝在東宮

吐蕃贊婆弓仁降

璽命帝顯及武攸暨等誓于明堂

璽貶吉頊為安固尉

狄仁傑為內史

禋唐周武塋聖曆三年五月以後久視元年

春正月帝在東宮

夏五月朔日有食之

狄仁傑薦張柬之為秋官侍郎

塋以張易之為奉宸令

塋選少年之美者為內供奉

契丹平

塋造大像

梁公狄仁傑卒

冬十月復以建寅月為正月

辛唐周武塋大足元年十月以後長安元年

春正月帝在東宮

三月雨雪蘇味道帥百官入賀

塋殺其孫重潤

蘇安恒上疏請傳位太子

壬唐周武塋長安二年

春正月帝在東宮

始設武舉

塋賜嬖倖張昌宗爵鄴國公

秋九月朔日有食之不盡如鉤

吐蕃遣使求和

擧用監察御史魏靖言命蘇頲按雪冤獄

河東採訪使張循憲薦平鄉尉張嘉貞以為

監察御史擢循憲司勳郎中

癸卯唐周武壘長安三年

春正月帝在東宮

三月朔日有食之

秋九月朔日有食之既

壘以張易之譖貶同平章事魏元忠為高要

尉流鳳閣舍人張說于嶺南

甲辰唐周武壘長安四年

春正月帝在東宮

楊再思以諂媚得為內史左補闕戴令言以

譏再思貶長社令

姚元之為靈武道安撫大使薦張東之以為

同平章事

壘嬖倖張昌宗下獄既而赦之

乙巳唐中宗神龍元年

春正月張柬之等舉兵討武氏之亂張易之

昌宗伏誅帝顯復位大赦改元

遷武氏于上陽宮上其號曰則天大聖皇帝
嗚呼皇帝者天子之嘉稱非婦人女子所
得稱也彼其逆理亂常自爲稱謂勢必行
而威可畏臣下懼死而不敢拒猶之可也
今旣立皇帝矣而遷於別宮顧猶尊之以
上聖皇帝何邪其罪不特在武氏矣先儒
胡寅追咎當時大臣不能數其九大罪而
廢之以爲千古遺恨嗚呼武氏之罪誅之
固不容誅矣何廢之足云但中宗其所生
也以義論之母雖輕於祀以恩論之子終
無絕母之理也當時大臣遷之別宮復其
后號誅絕其宗族黨與凡在武氏臨朝之
時助武氏抑唐宗者一切按問之量其輕
重以定其罪狀或誅或宥以爲後世之戒
可也一時具臣不知出此反仍其舊稱而
加以美號豈不悖哉

錄反正功以張柬之袁恕己同三品崔玄暉
爲內史敬暉桓彥範爲納言李多祚等進官
賜爵有差

革去周號

舊書後國號曰唐此書革去周號何武氏所以據尊位臨萬方以臣其人民者豈盡出其智力哉因唐之勢善彼其革去唐號而稱曰周特見於稱呼施之文移焉耳人心天意之在唐者固未嘗有渝也武氏一旦去位則唐之社稷固自如也又何俟於復哉革去周號唐斯在矣

復唐制度

復以神都為東都北都為并州
流貶周宰相韋玄慶房融崔神慶于嶺南

以楊再思同三品

史補卷十

三

復皇后韋氏贈后父玄貞上洛王

復宗室死于周者官爵

帝借后視朝

縱胡僧慧範出入宮禁桓彥範諫不聽

帝以武后兄子三思為司空同三品

帝徵行幸武三思第

韋氏貶其廢子重福為均州刺史

以武攸暨為司徒祝欽明同三品

徵武攸緒為太子賓客固辭還山

以方士鄭普思為秘書監葉靜能為國子祭酒

以魏元忠韋安石李懷遠唐休璟崔玄暉並同三品張柬之為中書令

遷周廟主於西京猶避其諱

敬暉等請降諸武王爵不許

帝用韋后及武三思計賜敬暉等五人以王爵而罷其政事

以宋璟為黃門侍郎

從皇后表請改易制度

以唐休璟豆盧欽望為左右僕射

以韋安石為中書令韋巨源同三品

以漢陽王張柬之為襄州刺史

河南北十七州大水求直言參軍宋務光請絕後庭干政之萌不省

以魏元忠為中書令楊再思為侍中

群臣上皇帝皇后尊號

帝御樓觀潑寒胡戲

武曩死僭位二十一年

武氏自稱皇帝中宗復位又尊之以為則

天大聖皇帝其崩也以其所尊者書之可也而綱目乃以皇太后武氏書之蓋不予其為皇帝也是何也女不可以統男皇帝本非婦人女子之所得而稱者也書之曰太后武氏崩則凡其生時所自稱及人所尊之者皆非所宜也如是書之不啻足矣今史綱直斥其姓名而且以死書何嗚呼武氏起自閭閻使其不入官闈一匹婦耳所以生得為后死得書崩徒以其作配高宗以承唐家之宗祀焉耳今武氏為人妻則淫蕩為人妾則妬害為人母則殘虐為人婦則廢人之宗祀滅人之國祚殺人之族屬凡其一生所以孤人之子寡人之妻絕人之宗祀不知其凡幾百萬矣其於李氏固已義絕葬不可以列李氏之園陵祭不可以入李氏之宗廟由是觀之乃天地間一不仁不義之婦人耳死全首領固已為幸而又稱之以為后書之以為崩何以誅絕其既往而示戒於將來哉

以李嶠同三品于惟謙同平章事

制太平公主安樂公主各開府置官屬

武三思惡敬暉等出為諸州刺史

授僧慧範道士史崇恩等五品階

置十道巡察使

宋之遜告其友王同皎謀害武三思殺同皎

置員外官二千餘人

處士章月將上書告武三思通宮掖帝殺之

黃門侍郎宋璟大理卿尹思貞皆以直諫貶

州刺史

綱目卷十七

四十四

貶敬暉桓彥範張柬之袁恕已崔玄暉為遠

州司馬

立衛王重俊為皇太子

以李嶠為中書令

敬暉桓彥範張柬之袁恕已崔玄暉為武三

思所殺

方士鄭普思謀作亂帝庇之不得已流儋州

安樂公主求為皇太女以魏元忠言而止

打唐神龍三年九月以後景龍元年

復武氏崇恩廟

立韋氏廟

夏六月朔日有食之

吐蕃遣使入貢

皇太子重俊發禁兵誅武三思不克而死

安樂公主及宗楚客等誣相王旦與重俊通

謀以御史中丞蕭至忠諫而止

帝后並加尊號

貶魏元忠務川尉

以蕭至忠宗楚客紀處訥同三品

侍御史魏傳弓發銀青光祿大夫上庸公僧

慧範姦賊四十餘萬僅削其階爵

以楊再思為中書令

殺蘇安恒

冬十二月朔日有食之

彗星出于西方

遣使往江淮贖生

戊申 景龍二年

以皇后衣笥有雲起赦天下

朔方總管張仁愿築三受降城

置脩文館學士以李嶠等二十人為之命女

官上官氏第其文

以學士名官始見于此

以張仁愿同三品

秋七月有星孛于胃昴

安樂長寧公主上官健仔皆以斜封墨敕除官

宗楚客紀處訥受突騎施故將闕啜忠節賂奏遣牛師獎擊娑婆葛師獎敗沒

安樂公主再適其夫之弟武延秀

以健仔上官氏為昭容

配唐景龍三年

史綱卷十七

三十六

以韋巨源楊再思為左右僕射同三品宗楚客為中書令蕭至忠為侍中

帝及后幸太常寺

監察御史崔琬劾宗楚客紀處訥罪帝和解之

以后兄韋溫同三品

以李嶠同三品韋安石為侍中蕭至忠為中書令蘇瓌為僕射同三品

秋八月有星孛于紫宮

冬十一月祀南郊皇后亞獻

以唐休璟同三品

關中饑

庚戌唐景龍四年六月以後睿宗皇帝景雲元年

帝及后微行縱宮女出游

帝御梨園命三品以上拔河

韋后殺許州司兵參軍燕欽融

夏六月壬午韋氏弑帝在位六年

韋氏以裴談張錫同三品張嘉福岑羲崔湜

同平章事

史綱卷十七

三十七

韋氏自爲太后臨朝攝政立溫王重茂改元

唐隆

相王旦子臨淄王隆基起兵討韋氏族誅之

安樂公主武延秀上官婉兒等皆伏誅

隆基爲平王以鍾紹京劉幽求參知機務李

日知同三品蕭至忠等貶官有差

相王旦即位疑竊廢重茂復爲溫王

從宋王成器讓立平王隆基爲皇太子

以薛稷參知機務

追削武三思等爵諡恭其屍

復武氏號曰天后

以姚元之同三品韋嗣立蕭至忠為中書令
趙彥昭進湜同平章事

加太平公主實封萬戶

贈郎岌燕欽融蘇安恒皆諫議大夫韋月將
宣州刺史

以崔日用參知機務

追復敬暉桓彥範崔玄暉張柬之袁恕已等
官爵

以宋璟同三品

廢崇恩廟追廢韋氏為庶人

譙王重福及汴州刺史鄭愔謀入東都反敗
死愔族誅

罷斜封官數千人

以薛訥為幽州經畧節度大使

節度之名自此始

以姚元之為中書令

帝以公主為女道士資天皇天后之福

長安令李朝隱不聽宦者囑擢為大中大夫

睿宗皇帝

諱旦
高宗子

辯唐景雲二年

突厥默啜遣使請和

以郭元振張說同平章事

太平公主謀廢太子立宋王成器帝用宋璟
等言出成器及幽王守禮皆為刺史公主蒲
州安置

命皇太子監國

復斜封官

皇太子請貶姚元之宋璟皆以為刺史遂寢
二王刺史之命

以左右萬騎羽林為北門四軍

以韋安石為中書令李日知為侍中

制政事皆取皇太子處分

皇太子請召太平公主還京師

僧慧範奪民田御史大夫薛謙光劾之出謙
光為岐州刺史

置十道按察使

按察使之名始此

以韋安石為左僕射同三品竇懷貞為侍中
尋寵之

以劉幽求魏知古崔湜並同三品陸象先同平章事

遣御史中丞和逢堯使突厥俾襲冠帶

壬唐大極元年五月以後延和元年八月以後

玄宗明皇帝先天元年

春正月合祭天地于南郊

自此以後天地又合祭

二月皇太子釋奠于國學

以竇懷貞岑義同三品尋以岑義為侍中

秋七月彗星出西方入太微

以竇懷貞為左僕射平章軍國重事

八月庚子帝傳位於皇太子自為太上皇五

日一受朝聽大事在位三年

皇太子隆基卽位是為玄宗

立王氏為皇后

以劉幽求為僕射同三品

沙陀金山入貢

流劉幽求於封州

以王琚為中書侍郎

九月朔日有食之

上皇 詔遣皇帝巡邊

史綱卷十七

四一

世史正綱卷十七

巳集

世史正綱卷十八

巴集

○唐世史

玄宗皇帝

諱隆基
睿宗子

癸丑

先天二年十二月開元元年

以蕭至忠為中書令

以高麗大祚榮為渤海郡王

以郭元振同三品

太平公主謀逆蕭至忠岑羲竇懷貞崔湜伏

誅賜公主死

上皇誥自今軍國事一取皇帝處分

詔獎同平章事陸象先

以宦者高力士為右監門將軍知內侍省事

范祖禹曰國家之敗未有不由子孫廢祖

宗之業也創業之君得之難故其防患深

慮之遠故其立法密後世子孫雖有聰明

才智高出群臣之表然未若祖宗更事之

多也夫中人不可假以威權蓋近而易以

為姦也明皇不戒履霜堅冰而輕變太宗

之制崇寵宦者增多其員自是以後寔干

國政末流之禍蓋基於此書曰監于先王

成憲其永無愆為人後嗣可不念之哉
以張說為中書令

以劉幽求為左僕射平章軍國大事

引見京畿縣令戒諭之

帝親講武于驪山斬知禮儀事唐紹流兵部
尚書郭元振

以姚元之同三品元之陳十事

左拾遺劉彤議鹽鐵

此唐鹽鐵所自起

群臣上尊號

史編卷十八

二

天子之稱上至皇帝無得而加矣漢哀帝
雖有聖劉太平之號然出于方士厭禳之
說非加美稱也至唐高宗徇武后之意而
稱天皇然止加天於皇耳中宗從韋氏之
欲乃有應天之號彼昏庸之主固無足道
玄宗以剛明之君有父在上臨御未久遽
為虛美之稱嗚呼名者實之賓無此實而
有此名聞人之呼寧能不愧於心赧於顏
乎

改僕射為丞相中書為紫微省門下為黃門

省侍中爲監

吐蕃遣使求和

以姚崇爲紫微令左遷張說爲相州刺史

元

避開元崇號改名崇

以盧懷慎同平章事

寅甲唐開元二年

制均內外之任定爲恒式

置左右教坊典倡優雜伎

教坊之設始此

沙汰僧尼

以薛訥同紫微黃門三品將兵擊契丹

春二月朔太史奏日食不應姚崇請表賀

帝以徐有功子倫爲恭陵令

功臣劉幽求鍾紹京以怨望貶州刺史

放武氏時酷吏周利貞等終身勿齒

貶韋氏時宰相韋安石韋嗣立趙彥昭李嶠

爲州別駕

罷員外檢校官

以宋王成器等領諸州刺史

禁采珠玉織錦繡

作興慶宮賜諸王第宅環宮側

出宮人

姚崇請宣布武后鼎銘

敕諸州脩常平倉法

大破吐蕃

以長子嗣真為鄆王立其弟嗣謙為皇太子

卯唐開元三年

以盧懷慎為黃門監

御史大夫宋璟坐監杖人輕貶睦州刺史

突厥諸部降處之黃河以南地遣薛訥郭虔

瓘為大總管備默啜尋遣訥討之

史綱卷十八

四

山東大蝗遣官捕而瘞之

秋七月朔日有食之

選儒士入內侍讀待以師傅之禮

侍讀之名始見于此

京兆尹崔日知有罪御史李傑將糾之反搆

傑罪事聞貶日知為歙縣丞

初置翰林院

翰林院之置始此

丙辰唐開元四年

以鄮王嗣真等遙領大都護

諸王遙領外鎮始此

召新除縣令試治民策

夏六月癸亥太上皇崩于百福殿壽五十五

葬橋陵

以源乾曜同平章事

姚崇薦宋璟自代以璟為黃門監蘇頌同平章事

丁酉開元五年

春正月太廟四室壞帝如東都

復三省官舊名

令史官隨宰相入侍群臣對仗奏事

左拾遺張九齡以帝嗣位未郊見請行郊祀

九齡言天百神之君王所由受命自古

繼統之主必有郊祀蓋敬天命報所受也

詔訪逸書命博士尹知章等編校刊正

戊午開元六年

令州縣行鄉飲酒禮

祀唐開元七年

夏五月朔日有食之

敕喪服並從禮制父在為母期如禮
宋王成器更名憲改封寧王

皇太子入學齒胄

唐開元八年

始改顏回等從祀孔子者為坐像

古者祀神以尸其後代之以主未有像設
也所謂俑者特像人而用之非用以寓神
也佛氏入中國始鑄金為像後又為土木
之偶焉後世祀先師亦以塑像不知始何
時考史開元八年改顏子等十哲為坐像
則前此固有為塑像者矣但先聖坐而諸
賢皆立至是乃改立為坐耳然非但有像
也至二十七年又內出袞冕之服以衣之
嗚呼百年夷教至我

太祖乃革之而易以木主於是聖人在天之靈
始安於享祀焉卓矣哉

聖人之况乎可以為百王法矣

始詔孔門弟子從祀

前此孔門弟子惟列像廟堂不預饗祀至
是因李元瓘言始得列享於左丘明等二

十二人之上

以優人言罷相臣宋璟

以源乾曜張嘉貞同平章事尋以乾曜為侍

中嘉貞為中書令

醉唐開元九年

監察御史宇文融請檢括戶口以融為勸農

使

突厥遣使請和

秋九月朔日有食之

梁公姚崇卒

以張說同三品

史綱卷十八

七

罷諸王都督刺史召還

造新曆及黃道游儀

任唐開元十年

伊汝水溢

河決博棣二州

增制太廟為九室

安南亂遣宦者楊思勗討平之

此後世內臣專兵之始真德秀曰唐世中

人預國政自玄宗任高力士始中人預軍

政自玄宗用楊思勗始

北平節度使張嵩大破吐蕃

始募兵充宿衛

府兵之制於此始廢

突厥請和

癸亥唐開元十一年

春正月帝北巡

以并州為太原府置北都

祭后土于汾陰

以張說為中書令

置麗正書院聚文學士脩書侍講

書書院始此

始置長從宿衛

改政事堂為中書門下

冬十一月有事于南郊

甲申唐開元十二年

以宦者楊思勗為輔國大將軍

內臣為將軍稱大始此

廢皇后王氏

冬閏十二月朔日有食之

丑唐開元十三年

以宇文融兼戶部侍郎

更命長從宿衛為曠騎

帝自選諸司長官為州刺史賜以詩命百官

錢送

禁錮酷吏來俊臣等子孫

更集仙殿為集賢殿置書院以張說知院事

遣使如突厥

張說薦張九齡可備顧問

禁奏祥瑞

帝東封泰山

閑廐使王毛仲加開府儀同三司

車駕還詣孔子宅

分吏部為十銓親決試判

大有年

丙寅唐開元十四年

命張說脩五禮

以李元紘同平章事

河南北大水

魏州河溢

以杜暹同平章事

丁卯唐開元十五年

吐蕃入寇追擊至青海西破之
作十王宅以居皇子

戊辰唐開元十六年

改彊騎為羽林飛騎
行開元大衍曆

以蕭嵩同平章事

制戶籍三歲一定分為九等

己巳唐開元十七年

克吐蕃石堡城

史綱卷十八

十

限明經進士及第每歲毋過百人

以宇文融裴光庭同平章事

以蕭嵩兼中書令

秋八月以帝生日為千秋節賜百官宴

後世以人君始生之日為節而表賀之始

此

冬十月朔日有食之不盡如鉤

庚午唐開元十八年

吏部尚書裴光庭始奏用循資格

遣十八總管擊奚契丹

夏六月彗星出于五車

辛唐開元十九年

置太公廟如孔子廟制

壬唐開元二十年

春二月朔日有食之

秋八月朔日有食之

開元禮成蕭嵩請父在為母服如武后制

癸唐開元二十一年

以韓休同平章事

秋七月朔日有食之

左丞相宋璟致仕

以裴耀卿同平章事

起復張九齡同平章事九齡辭終喪不許

分天下為十五道置采訪使

以楊慎矜知大府出納

甲唐開元二十二年

春二月秦州地震

以裴耀卿為侍中張九齡為中書令

李林甫以結宦官媚武惠妃得同三品是日

大風拔木

置河口輸場

以方士張果爲銀青光祿大夫

冬十二月朔日有食之

乙亥唐開元二十三年

張璠張琇殺殿中侍御史楊汪以復父讎杖殺之

冬閏十月朔日有食之

冊揚玄琰女爲壽王妃

丙子唐開元二十四年

帝欲廢太子以張九齡諫而止

敕禮部侍郎掌貢舉

張守珪使討擊使安祿山擊奚契丹敗績張

九齡當以死帝赦之

加母黨服

秋八月張九齡上千秋金鑑錄

冬十月小師地震十一月東都地震

賜朔方節度使牛仙客爵隴西縣公

張九齡罷政事以李林甫兼中書令牛仙客

同三品

唐室治亂之幾分於此。按崔融對憲宗曰：人皆以天寶十五年祿山自范陽起兵，是理亂分時。臣以為開元二十四年罷賢相張九齡，任奸臣李林甫理亂自此已分矣。
丑 唐開元三十五年 置玄學博士

立明經問義進士試經法

監察御史周子諒劾牛仙客被殺，貶張九齡為荊州長史。

范祖禹曰：古之殺諫臣者必亡其國。玄宗親為之，其大亂之兆也。

廢太子瑛、鄂王瑤、光王琚為庶人而殺之。從裴耀卿請士人當決杖者勿解體受笞。募丁壯充邊軍。

詔選宗子補官

大理寺有鵠來巢，賜李林甫爵晉國公牛仙客、國公。

行和糴法

書和糴始此

廣平公宋璟卒

成唐開元二十六年

以牛仙客為侍中

以王璵為祠祭使始用楮為錢以祭

後世用紙錢代帛始此

令天下州縣里皆置學

立忠王璵為皇太子改名亨

突騎施分為兩可汗

秋九月朔日有食之

開南詔為雲南王始合六詔為一

始置學士院改翰林供奉為學士

翰林學士始見于此

史綱卷十八

十四

紀唐開元二十七年

積西節度使蓋嘉運擒突騎施可汗

追諡孔子為文宣王贈弟子為公侯伯

按自漢平帝追諡孔子為褒成侯宣尼公

後世因謂孔子為宣父又謂之為宣尼至

是又加文與宣為諡然文之為言諡法有

所謂經天緯地者矣孔子亦曰文王既沒

文不在茲乎以是諡之固亦幾矣然亦有

所未盡焉若夫宣之為宣諡法之美者不

過聖善周聞而已豈足以盡吾聖人之大德哉况唐未加聖人此謚之前北齊高洋李元忠南齊蕭子良隋長孫賢固有此謚矣天生聖人爲萬世道德之宗主稱天以誅之猶恐未足以稱其德彼區區荒誕之君汗下之見何足以爲吾聖人之輕重當其時行之可也後世乃遵之百世而不改何耶

唐

曆

開元二十八年

荆州長史張九齡卒

史綱卷十八

十五

春三月朔日有食之

吐蕃寇安戎城發關中兵救之

辛

曆

開元二十九年

立賑饑法

洛水溢

以安祿山爲營州都督

太尉寧王憲卒謚曰讓皇帝

吐蕃入寇陷石堡城

壬

曆

天寶元年

置十節度經畧使以備邊

以安祿山為平盧節度使

穿三門運渠

加天寶於皇帝之上

春二月饗玄元皇帝于新廟越三日饗太廟

越二日合祀天地于南郊

改侍中中書令為左右相丞相為僕射

改州為郡刺史為太守

以韋堅為江淮租庸轉運使

李林甫忌兵部侍郎盧絢絳州刺史嚴挺之

出為貧外詹事

史綱卷十八

十六

秋七月朔日有食之

以李適之為左相

癸未唐天寶二年

安祿山入朝

追尊老聃父為先天大皇臯陶為德明皇帝

廣運潭成

甲申唐天寶三載

春正月改年曰載

以安祿山兼范陽節度使

李林甫忌戶部尚書裴寬貶為睢陽太守

始祀九宮貴神

初令民十八為中二十三歲成丁

配唐天寶四載

以朔方節度使王忠嗣兼河東節度使

以子壽王瑁妃楊太真為貴妃

贈太真父楊玄琰兵部尚書以從兄錡為殿

中少監三姊皆賜第京師

以楊慎矜為租庸調轉運使

安祿山侵奚契丹契丹叛各殺其所尚公主

以王鉷為京畿採訪使鉷奏貴妃族兄釗充

判官

丙唐天寶五載

李林甫使楊慎矜告韋堅皇甫惟明謀立太

子貶堅惟明州太守

以王忠嗣為河西隴右朔方河東節度使

李林甫引吉溫為法曹羅希奭為殿中侍御

史

以陳希烈同平章事

夏五月朔日有食之

敕左降官日馳十驛

張九章王翼以所獻精美加官

丁亥
唐天寶六載

李林甫殺北海太守李邕及皇甫惟明韋堅等李適之王琬自殺

令士通一藝以上皆詣京師李林甫請試之無及第者表賀野無遺賢

以安祿山兼御史大夫許出入禁中

以陳希烈爲左相

李林甫忌王忠嗣解其河東朔方節度

制僧尼令祠部給諱

此後世度僧給諱之始

冬十月帝借貴妃如驪山浴溫泉

遣王忠嗣攻吐蕃石堡城忠嗣言不可攻董

延光攻之不克李林甫搆忠嗣罪貶漢陽太

守

以突厥別部酋長哥舒翰充隴右節度使

以天下歲貢賜李林甫

李林甫搆戶部侍郎楊慎矜罪殺之

以高麗人高仙芝爲安西四鎮節度使

戊子
唐天寶七載

群臣上尊號

以宦者高力士為驃騎太將軍

賜安祿山鐵券

以貴妃從兄楊釗判度支事

以貴妃諸姊為國夫人

哥舒翰築應龍城以拒吐蕃

丑巳天寶八載

帝帥群臣觀左藏庫以帑藏充牣賜楊釗金

紫

咸寧太守趙奉璋欲告李林甫罪林甫諷御

史殺之

弛天下兵備

加聖祖及諸帝后號諡

范祖禹曰堯舜禹湯文武之君諡號惟一

而已既稱天以誅之則子孫不可得而改

也高宗不師古昔始改祖宗舊諡天寶以

後增加復重至繁而不可紀夫祖宗苟有

高世之功德則曰文曰武足矣若其無功

德而子孫妄加之則是誣之而使天下後

世以為譏玩也故孝子慈孫之欲顯其親

莫若使名副其實而不浮則天下心服之矣未聞以諡號繁多為貴也唐之典禮不經甚矣

唐天寶九載

賜安祿山爵東平郡王

唐將帥封王自此始

秋八月五星聚于箕尾

以安祿山兼河北道採訪處置使

安祿山入朝獻所鑄錢樣

從楊釗請追復張易之兄弟官爵

賜楊釗名國忠

南詔反陷雲南郡

辛卯唐天寶十載

為安祿山起第

以安祿山兼河東節度使

鮮于仲通擊南詔大敗死者六萬人楊國忠

掩其敗復驅民為兵擊之

高仙芝擊大食敗績

秋八月武庫火

安祿山擊契丹大敗

楊國忠遙領劔南節度使

任天寶十一載

以官物易惡錢

改更兵刑部為文武憲部

戶部侍郎王鉞伏誅

范祖禹曰夫利百物之所生而天地之所
以養人也專之必壅壅則所害者多故君
子不盡利以遺民所以均天地之施也聖
王寧損己以益人不損人而益己記曰與
其有聚斂之臣寧有盜臣是以興利之臣
鮮不禍敗自桑弘羊以來未有令終者也
必若公劉之厚民管仲之富國李悝之平
糴耿壽昌之常平不為括克上下皆濟則
身享其榮後嗣蒙其慶矣吉凶禍福之效
如此可不戒哉

以楊國忠為御史大夫京畿採訪使

楊國忠奏鳳凰見左藏以魏仲犀為殿中侍
御史

李林甫死

以楊國忠為右相兼文部尚書領四十餘使

楊國忠薦吉溫為御史中丞

哥舒翰安祿山入朝

癸巳唐天寶十二載

楊國忠注選人於都堂一日而畢選人請為國忠刻頌從之

追削李林甫官爵剖其棺子孫流嶺南黨與坐貶者五十餘人

以哥舒翰兼河西節度使

帝如華清宮虢國夫人等從

前此每歲十月幸華清宮至祿山亂乃止

甲午唐天寶十三載

安祿山入朝加左僕射又以兼閑廐群牧使

以楊國忠為司空是日雨土

安祿山歸范陽奏賞部將除將軍者五百餘人

中郎將二千餘人

夏六月朔日有食之不盡如鉤

李宓擊南詔敗沒楊國忠以捷聞益發兵擊之前後死者二十萬人

以韋見素同平章事

關中大饑

紀曆天寶十四載

安祿山請以蕃將代漢將從之

韋見素言安祿山必反帝不聽遣中使輔璆琳察之

夏六月徵安祿山入朝不至

安祿山反

遣封常清募兵東京

以郭子儀為朔方節度使

安祿山陷靈昌及陳留

安祿山陷東京河南尹達奚珣降賊留守李

愔御史中丞盧奕死之

安祿山陷河南諸郡

東平太守吳王祗起兵討賊

帝欲制太子監國貴妃沮之不果

平原太守顏真卿起兵討賊

殺高仙芝封常清以哥舒翰為副元帥

郭子儀遣兵破祿山兵於樞武

常山太守顏杲卿起兵討賊

丙申曆天寶十五載

七月以後肅宗至德元載

正統之君大書其號與年非正與統者則

分書之若正統之君一歲而兩元者亦接
而大書之獨於肅宗分書至德號年於天
寶十五載大書之下者肅宗不受命於玄
宗不予其繼統也

安祿山僭號

以許遠為睢陽太守

賊將史思明陷常山太守顏杲卿死之

以李光弼為河東節度使尋又以為河北節
度使

真源令張巡起兵雍丘討賊

天寶卷一八

四十四

郭子儀李光弼與史思明戰于九門又戰于
嘉山皆敗之復河北十餘郡子儀等請引兵
取范陽不從

楊國忠逼哥舒翰出關與賊戰大敗于靈寶
翰降賊賊遂入關

帝出奔蜀

次于馬嵬諸將誅楊國忠及楊太真

發馬嵬留皇太子亨東討賊

皇太子至平涼

安祿山遣孫孝哲陷京師殺妃主皇孫數十

入陳希烈張垺等降賊

秋七月甲子太子亨自立于靈武改元至德

是為肅宗遙尊帝為上皇天帝遂以裴冕同平章

事

帝制以太子亨充天下兵馬元帥

舊史於肅宗即位之後即以上皇稱玄宗

而此仍以帝書何肅宗立時玄宗在蜀聲

問不相聞肅宗無所受命而自立所謂上

皇天帝者肅宗擅去乃父之名位而加以

虛稱耳是時玄宗未知也史綱不從其所

尊之稱而仍稱以帝據其時即其實而書

之也玄宗傳位之後始以上皇書庶幾得

其實哉

李泌至靈武

郭子儀將兵至靈武李光弼引兵赴太原

回紇吐蕃遣使請助討賊

八月己亥帝遣使齎冊寶如靈武傳位太子

亨制自今稱太上皇軍國重事以聞在位四年

按肅宗以七月甲子即位于靈武至八月

己亥玄宗命韋見素等奉冊詣靈武傳位

首尾僅三十六日耳盍少待遣使上請俟命下而後即位豈不名正而言順哉况肅宗居儲位有年玄宗素有傳位之意特為貴妃國忠所沮爾今二人既死帝發馬嵬又有留東討賊之命其天位不歸肅宗將誰歸哉燭理不明欲速而見小利遂陷于不孝不忠之罪嗚呼天理人欲之間幾不容髮可不畏哉

以廣平王俶為天下兵馬元帥李泌為長史制諫官言事勿白宰相

蠻貊度僧尼

史編卷十八

二十六

冬十月朔日有食之既

加第五琦山南等道度支使

以房琯為招討節度等使與賊戰于陳濤斜敗績

史思明攻陷河北諸郡饒陽裨將張與死之
永王璘反

肅宗皇帝

諱亨
玄宗子

丁酉

肅宗至德二載

春正月帝居彭原

安祿山子慶緒殺祿山

帝聽張良娣李輔國譖殺其子建寧王倓
賊寇睢陽張巡以兵入睢陽合許遠拒却之
郭子儀平河東

春二月帝至鳳翔李泌請取范陽不從
李璘伏誅

徵苗晉卿為左相

上皇遣中使祭始興文獻公張九齡

以郭子儀為司空天下兵馬副元帥

制以官爵賞功

是時府庫無蓄積朝廷專以官爵賞功諸

將出征皆給空名告身聽臨事注名有至

開府特進異姓王者諸軍但以職任相統

攝不復計官爵高下及是復以官爵收散

卒由是官爵輕而貨重大將軍告身一通

纔易一醉凡應募入軍者一切衣金紫名

器之濫至是極焉范祖禹曰官爵者入君

所以馭天下不可以虛名而輕用也君以

為貴而加於君子則入貴之矣君以為賤

而施於小人則入賤之矣肅宗欲以苟簡

成功而濫假名器輕於糞土此亂政之極也唐室不競不亦宜哉

以張鎬同平章事

郭子儀與賊戰于清溝敗績詣闕請自貶以爲左僕射

賊攻睢陽張巡遣南霽雲赴臨淮告急賀蘭進明按兵不救

秋九月廣平王俶郭子儀收復京師

遣使請上皇還京師

郭子儀克華陰弘農

史綱卷十八

二十八

賊陷睢陽張巡許遠死之南霽雲雷萬春等皆死

冬十月廣平王俶郭子儀收復東京

李泌歸衡山

賊將嚴莊來降以爲司農卿

帝始入京師

安慶緒走保鄴郡

勒受賊僞官者宰臣陳希烈等赴京

甄濟不汗僞命以爲秘書郎館于三司令受

賊官者列拜之

以國子司業蘇源明不受賊官擢考功郎中
知制誥

歲遺回紇絹二萬匹

此歲幣之始

朝饗于長樂殿

十二月上皇還京師

赦天下惟與安祿山同反及李林甫王鉞楊
國忠子孫不在免例

加郭子儀司徒李光弼司空功臣進階賜爵
有差

追贈死節之臣李愬盧奕顏杲卿袁履謙許
遠張巡張介然蔣清龐堅等官其子孫

錫來載祖庸三分之一

復郡名官名

上上皇尊號

以良娣張氏為淑妃

史思明降

制陷賊官以六等定罪達奚珣陳希烈等伏

誅

司馬光曰為人臣者策名委質有死無貳

一希烈等或貴為卿相或親連肺腑承平之日迎合取容禍亂既作偷生苟免至乃媚賊稱臣為之陳力此乃犬馬之不如僮更全其首領是諂諛之臣無往而不得計也彼顏杲卿張巡之徒世治則擯斥外方沈抑下僚世亂則委棄孤城壘粉寇手何為善者之不幸而為惡者之幸待忠義之薄而保姦邪之厚耶

置左右神武軍

戊唐

至德三載二月以後乾元元年

春二月上皇賜帝號帝復上上皇尊號

大赦盡免今載租庸

復以載為年

以宦者李輔國兼太僕卿

徙楚王俶為成王

立張氏為皇后

改黜陟使為觀察使

立子俶為皇太子更名豫

以王璵同平章事

贈顏杲卿太子太保諡曰忠節

史思明復反

初鑄當十大錢

文曰乾元重寶

冊回紇英武可汗以寧國公主歸之

以郭子儀為中書令李光弼為侍中

命郭子儀等九節度討安慶緒以宦官魚朝恩為觀軍容使

觀軍容之名自此始范氏曰風沙衛殿齊

師殖綽郭最曰子殿國師齊之辱也以諸

侯之師闖入殿之猶以為辱况天子之師

使宦者為之主是辱天下之眾也且慶緒

窮虜郭李不世出之將也使朝恩節制之

猶不免於敗則庸人可知矣肅宗初復兩

京舉六十萬眾棄之其不亡亦幸哉

平盧節度使王玄志卒遣宦者察軍中所欲

立者裨將李懷玉殺玄志子推裨將侯希逸

為節度副使從之

節度使由軍士廢立自此始司馬光曰民

生有欲無圭乃亂故聖人制禮以治之所

以辨上下定民志也凡人君所以能有其

臣民者八柄存乎已也苟或捨之則彼此

勢均何以使其下哉。肅宗遭唐中衰，幸而復國，宜正上下之禮，以綱紀四方。而偷取一時之安，不思永久之患，委一介之使，徇行伍之情，無問賢愚，惟其所欲，積習爲常，謂之姑息，乃至偏裨殺逐主帥，亦不治罪，因而授之，然則爵賞廢置，殺生予奪，皆不出於上而出於下，亂之生也，庸有極乎？古者治軍，必本於禮。今唐蔑之，使士卒得以陵偏裨，偏裨得以陵將帥，則將帥陵天子，自然之勢也。

已亥唐

乾元二年

九節卷十八

三十二

史思明自稱燕王

春二月月有食之既

書月食僅見于此

九節度之兵潰于相州

史思明殺安慶緒

以李峴李揆呂諲第五琦同平章事

以郭子議爲東畿等道元帥

史思明僭號

李峴陳宦者李輔國專權擅稱制敕下制停

口敕處分

貶李峴為蜀州刺史

宦者魚朝恩譖郭子儀召還京師以李光弼為朔方節度使兵馬元帥

更鑄當五十大錢

李光弼與史思明戰于河陽大敗之

陝

乾元三年閏四月以後上元元年

以李光弼為太尉兼中書令

以郭子儀領邠寧鄜坊節度使

李光弼連破史思明

夏四月彗星出于婁胃

襄州軍亂殺節度使

唐世將吏逐帥阻兵始此

閏四月彗星又出于西方

以王思禮為司空

唐三公不為宰相拜者始見于此

追謚太公望為武成王

以苗晉卿行侍中

行官始此

以劉晏為戶部侍郎充度支鑄錢鹽鐵等使

羌渾寇鳳翔

敕小錢一當十其重輪者當三十

張后子興王侶卒

宦者李輔國矯帝詔遷上皇于西內

真德秀曰玄宗始壞太宗之法以重中人而已之幽鬱殂謝乃出於中人之手此可以爲人君邇奸者之戒

刑部尚書顏真卿帥百僚問上皇起居坐殿流上皇道侍高力士于巫州

江淮都統劉展反陷昇潤等州

辛酉

上元二年九月以後止稱元年

劉展伏誅

李光弼與史思明戰于邙山敗績

以蕭華同平章事

史思明子朝義殺思明

段子璋反于梓州尋伏誅

復以李光弼爲太尉統八道行營鎮臨淮

秋七月朔日有食之旣大星皆見

以宦者李輔國爲兵部尚書

置道場于三殿飾宮人以爲神帝命大臣膜

拜

九月制去尊號及年號月數以建子月為歲首

范祖禹曰肅宗信禳祈之小數以為更制改號可以致福而弭禍夫畏鬼神聽巫覡者匹婦之愚也以天下之君為之不亦異哉

制除五品以上官令舉一人自代

授官舉人自代始此

江淮大饑

江淮都統崔圓殺孫待封

建子月受朝賀如正旦儀

以元載為度支鹽鐵轉運等使

帝朝上皇于西內

范祖禹曰陽失其所以為陽則制於陰剛失其所以為剛則制於柔肅宗失其所以為君故制於小人女子至不敢見其父而况能保四海乎

壬寅

二年四月以後寶應元年

建寅月追冊故太子琮為皇帝

河東軍亂殺其節度使鄧景山遣使慰諭之
又從其請以兵馬使辛雲京為節度使

行營兵殺都統李國貞節度使荔非元禮衆
推裨將白孝德為帥因而授之

賜郭子儀爵汾陽王知諸道行營朔方河中
等軍副元帥

以元載同平章事領度支轉運使如故

楚州獻寶玉群臣表賀

建巳月甲寅上皇崩于神龍殿壽七十八

始服喪二十七日

史補卷十九

三十一

自漢文遺詔以月易日景帝遵之為三十

六日至唐太宗遺詔亦然至是始有二十

七日之制遂為後世常制

帝不豫命太子監國

復建年號以正月為歲首

改巳月為四月

丙寅宦者李輔國程元振遷皇后于別殿殺

越王係兗王儻帝崩于長生殿輔國弑后張

氏在位七年
壽五十二

范祖禹曰肅宗信任宦官上不保其父中

不保其身下不保其妻子此近小人之禍
也可不戒哉可不戒哉

皇太子豫卽位

代是為宗

罷郭子儀副元帥

號宦者李輔國為尚父而不名以為司空兼
中書令尋進爵博陸王

宦者封王始見于此真德秀曰以一閹尹
而寵之以宰相尊之以尚父自有中人以
來未之有也其為可醜不亦甚哉

爵李光弼臨淮郡王

救大小錢皆當一

李光弼兵大破史朝義

追廢皇后張氏為庶人

以劉晏為度支轉運鹽鐵等使

郭子儀請解副元帥居京師

台州袁晁作亂

以宦者程元振為驃騎大將軍

回紇舉兵入援

以雍王适為天下兵馬元帥討史朝義大敗
之取東京及河陽

帝遣盜誅宦者李輔國復遣使存問其家仍
贈太傅

真德秀曰輔國顛恣兩朝卒不免肢體殊
分投首溷廁之慘其亦何利耶此可以爲
小人稔惡者之戒

以賊降將張忠志爲成德軍節度使賜姓名
李寶臣

以僕固懷恩爲河北副元帥

諸軍圍史朝義于莫州

召李泌

